

02.04.2019

Aalajangiiffigisassatut siunnersuummut uunga ilanngussaq 1 naapertorlugu piaarnerpaamik, kingusinnerpaamillu ulloq 1. oktober 2019-mi atuutilersussamik, Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaannut nr. 1, 25. januaari 2019-imeersuut allannguissamik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)

Inatsisartunut ilaasortap Aqqaluaq B Egede Inuit Ataqatigiit aalajangiiffigisassatut siunnersuutaanut Siumumiik imaattumik oqaaseqassuugut.

Siullermik Siumumiik qutsaviginngittoorusunngilagut ulloq unnuarlu inissiivigineqartartuni namminersortut pisortallu ingerlataanni sulisut. Taakuummatami sorpassuartigut imaannaangittunik inuiaqatigiit tamatta sinnerluta suliaqartartuussut.

Siunnersuuteqartup siunnersuummini qitiutitaa isumaqatigilluinaratsigu Siumumiik oqaatigissuarput, tassalu meeqqat ulloq unnuarlu paaqqinnittarfiinniittut pitsaanerpaamik angerlarsimaffeqartinnissaasa qulakkeersimaneqarnissaat.

Ajoraluartumik meerannguit angerlarsimaffimmiik qimagutsittakkagut amerlapput, sulilumi angerlarsimaffiup avataanut inissittariaqartut utaqqisut ikingisassaanatik. Taamaamat Siumumiik assut kissaatigaarput siunnersuummut tunngatillugu oqallinneq manna meeraq qitiutillugu ingerlatissagipput.

Nalunaarut nr. 1, 25 Januar 2019-meersaq siunnersuuteqartup allanngortinnissaa siunnersuutigivaa, tassani pineqarnerulluni aningaasatigut aqutsinermi "kiffaanngissusiiiganeq" akuerineqarsinnaangimmat.

Siumumiik Soorunami akueriunnaangilarput Meeqqat pisariaqartitsivittut sullinneqarnerini piviusoq isigineqarani qulaaniik sullissineq killilersorneqalersimasutut isigineqalersimassappat. Siumumiilli nalunaarut § 36 misissuataarnerani takusinnaasorinngilarput killilersuiniartoqarniarnersoq.

Taamaakkaluartoq Meeqqat eqqortumik pineqarnissaat sutigut tamatigut peqataaffigerusukkatsigit Ilaqutariinnermut Peqqissutsimullu ataatsimiititaliamut suliarineqarnissaa innersuupparpu.

Jess Svane
SIUMUT